





唐李杜詩集卷之十

杜集

五言古詩

邊塞

前出塞九首

戚戚去故里。悠悠赴交河。公家有程期。亡命嬰禍羅。君已  
富。土境開邊。一何多。弃絕父母恩。吞聲行負戈。  
出門日已遠。不受徒旅欺。骨肉恩豈斷。男兒死無時。走爲  
脫轡頭。手中挑青絲。捷下萬仞岡。俯身試搃旗。  
磨刀鳴咽水。水赤刃傷手。欲輕腸斷聲。心緒亂已久。丈夫  
誓許國。憤惋復何有。功名圖麒麟。戰骨當速朽。  
送徒既有長。遠戍亦有身。生死向前去。不勞吏怒嗔。路逢  
相識人。附書與六親。哀哉兩决絕。不復問苦辛。



迢迢萬餘里領我赴三軍軍中異苦樂主將寧盡聞隔河  
見胡騎倏忽數百群我始爲奴僕幾時樹功勳  
挽弓當挽強用箭當用長射人先射馬擒賊先擒王殺人  
亦有限立國自有疆苟能制侵陵豈在多殺傷  
驅馬天雨雪軍行入高山逕危抱寒石指落曾水間已去  
漢月遠何時築城還浮雲暮南征可望不可攀  
單于寇我壘百里風塵昏雄劍四五動彼軍爲我奔虜其  
名王歸繫頸授轅門潛身備行列一勝何足論  
從軍十餘年能無分寸功衆人貴苟得欲語羞雷同中原  
有鬪爭况在狄與戎丈夫四方志安可辭固窮

後出塞五首

男兒生世間及壯當封侯戰伐有功業焉能守舊丘召募

赴薊門軍動不可留千金買馬鞍百金裝刀頭閭里送我行  
親戚擁道周班白居上列酒酣進庶羞少年別有贈含  
笑看吳鉤

朝進東門營暮上河陽橋落日照大旗馬鳴風蕭蕭平沙  
列萬幕部伍各見招中天懸明月令嚴夜寂寥悲笳數聲  
動壯士慘不驕借問大將誰恐是霍嫖姚

古人重守邊今人重高勳豈知英雄主出師亘長雲六合  
已一家四夷且孤軍遂使貔虎士奮身勇所聞拔劍擊大  
荒日收胡馬群誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲帆  
轉遼海粳稻來東吳越羅與楚練照耀輿臺軀主將位益  
崇氣驕凌上都邊人不敢議議者死路衢



我本良家子。出師亦多門。將驕益愁思。身貴不足論。躍馬二十年。恐辜明主恩。坐見幽州騎。長驅河洛昏。中夜問道歸故里。但空村。惡名幸脫免。窮老無兒孫。

遣興三首

下馬古戰場。四顧但茫然。風悲浮雲去。黃葉墜我前。朽骨穴螻蟻。又爲蔓草纏。故老行歎息。今人尚開邊。漢虜互勝負。封疆不常全。安得廉頗將。三軍同晏眠。

高秋登塞山。南望馬邑州。降虜東擊胡。壯健盡不留。穹廬莽牢落。上有行雲愁。老弱哭道路。願聞甲兵休。鄴中事反覆。死人積如丘。諸將已茅土。載驅誰與謀。

豐年孰云遲。甘澤不在早。耕田秋雨足。禾黍已映道。春苗九月交。顏色同日老。勸汝衡門士。勿悲尚枯槁。時來展才

力先後無醜。好但訝鹿皮。翁忘機對芳草。

將帥

寄贈王十將軍承俊

將軍膽氣雄。臂懸兩角弓。纏結青驄馬。出入錦城中。時危未受鉞。勢屈難爲功。賓客滿堂上。何人高義同。

軍旅

揚旗

江雨颯長夏。府中有餘清。我公會賓客。肅肅有異聲。初筵

閱軍裝。羅列照廣庭。空六馬入駢駢。駢可駢也。揚

旗旌。回回偃飛蓋。熠熠迸流星。來纏風飈急。去擘山岳傾。

材歸俯身盡。妙取畧地平。虹蜺就掌握。舒卷隨人輕。三州

陷犬戎。但見西嶺青。公來練猛士。欲奪天邊城。此堂不易



升庸蜀日已寧吾徒且加餐休適蠻與荆

宮殿

玉華宮

溪回松風長蒼鼠竄古瓦不知何王殿遺構絕壁下陰房  
鬼火青壤道哀湍瀉萬籟真笙竽秋色正瀟灑美人爲黃  
土况乃粉黛假當時侍金輿故物獨石馬憂來藉草坐浩  
歌淚盈把冉冉征途間誰是長年者

九成宮

蒼山入百里崖斷如杵臼曾宮憑風回及葉土囊口立神  
狀棟宇鑿翠開戶牖其陽產靈芝其陰宿北斗紛披長松  
倒揭嶮恠石走哀猿啼一聲客淚迸林藪荒哉隋家帝製  
此今頽朽向使國不亡焉爲巨唐有雖無新增修尚置官  
居守巡非瑤水遠跡是雕牆後我行屬時危仰望嗟嘆久  
天王守太白駐馬更搔首

陵廟

橋陵三十韻呈縣內諸官

先帝昔晏駕茲山朝百靈崇岡擁象設沃野開天庭即事  
壯重險論功超五丁坡陁因厚地却略羅峻屏雲闕虛冉  
冉風松肅泠泠石門霜露白玉殿莓苔青宮女曉知曙祠  
官朝見星空梁簇畫戟陰井敲銅瓶中使日夜繼惟王心  
不寧豈徒卹備享尚謂求無形孝理敦國政神疑推道經  
瑞芝產廟柱好鳥鳴巖扃高嶽前嶺峯洪河左滢澹金城  
蓄峻趾沙苑交回汀永與奧區固川原紛眇冥居然赤縣  
立臺榭爭岩亭官屬果稱是聲華真可聽王劉美竹潤裴



李春蘭馨鄭氏才振古啖侯筆不停遣辭必中律利物常  
發硯綺繡相展轉琳琅愈青熒側聞魯恭化秉德崔瑗銘  
太史候鳧影王喬隨鶴翎朝儀限霄漢客思回林垆輶軻  
辭下杜飄飄陵濁涇諸生舊袒褐旅泛一浮萍荒歲兒女  
瘦暮途涕泗零主人念老馬解宇容秋螢流寓理豈慙窮  
愁醉未醒何當擺俗累浩蕩乘滄溟

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴嗚呼  
已十年儒服弊于地征夫不遑息學者淪素志我行洞庭  
野歛得文翁肆侏侏胄子行若舞風零至周室宜中興孔  
門未應弃是以資雅才渙然立新意衡山雖小邑首唱恢  
大義因見縣尹心根源舊宮闕講堂非曩構大屋加塗駸  
下可容萬人墻隅亦深邃何必三千徒始壓戎馬氣林木  
在庭戶密榦疊蒼翠有井朱夏時轆轤凍堦圯耳聞讀書  
聲殺伐災髣髴故國延歸望衰顏減愁思南紀收波瀾西  
河共風味采詩倦跋涉載筆尚可記高歌激宇宙凡百慎  
失墜

居室

寄題江外草堂

我生性放誕雅欲逃自然嗜酒愛風竹卜居此林泉遭亂  
到蜀江臥病遣所便誅茅初一畝廣地方連延經營上元  
始斷手寶應年敢謀土木艱自覺面勢堅臺亭隨高下敞  
豁當清川雖有會心侶數能同釣船干戈未偃息安得酣  
歌賤蛟龍無定窟黃鵠摩蒼天古來賢達士寧受外物牽



顧惟魯鈍資豈識悔吝先偶携老妻去慘淡凌風煙事迹  
無固必幽貞愧雙全尚念四小松蔓草易拘纏霜骨不甚  
長求為隣里憐

草堂

昔我去草堂蠻夷塞成都今我歸草堂成都適無虞請陳  
初亂時反覆乃須臾大將赴朝廷群小起異圖中宵斬白  
馬盟軟氣已麤西取邛南兵北斷劍閣隅布衣十數人亦  
擁專城居其勢不兩大始聞蕃漢殊西卒却倒戈賊臣互  
相誅焉知肘腋禍自及梟鏡梟鳥名食母徒義士皆痛憤  
紀綱亂相踰一國實三公萬人欲為魚唱和作威福孰肯  
辯無辜眼前列柵械背後吹笙竽談笑行殺戮濺血滿長  
衢到今用鉞地風雨聞號呼鬼妾與鬼馬色悲充爾娛國

家法令在此又足驚吁賤子且奔走三年望東吳弧矢暗  
江海難為遊五湖不忍竟舍此復來難紕也切榛蕪入門  
四松在步堞萬竹踈舊犬喜我歸低徊入衣裾隣里喜我  
歸沽酒携胡蘆大官喜我來遣騎問所須城郭喜我來賓  
客隘村墟天下尚未寧健兒勝腐儒飄飄風塵際何地置  
老夫於時見疣贅骨髓幸未枯飲啄媿殘生食薇不敢餘

水檻

蒼江多風颺雲雨晝夜飛茅軒駕巨浪焉得不低垂遊子  
久在外門戶無人持高岸尚為谷何傷浮柱欹扶顛有勸  
誠恐貽識者嗤既殊大厦傾可以一木支臨川視萬里何  
必闌檻為人生感故物慷慨有餘悲

破船



平生江海心宿昔具扁舟豈惟清溪上日傍柴門遊愴惶  
避亂兵緬邈懷舊丘鄰人亦已非野竹獨脩脩船舫不重  
扣埋沒已經秋仰看西飛翼下媿東逝流故者或可掘新  
者亦易求所悲數奔竄白屋難久留

營室

我有陰江竹能令朱夏寒陰通積水內高入浮雲端甚疑  
鬼物憑不顧剪伐殘東偏若面勢戶牖可末安愛惜已六  
載茲晨去千竿蕭蕭見白日洶洶開奔湍度堂匪華艱養  
拙異考槃草茅雖雜葺衰病方少寬洗然順所適此足代  
加餐寂無斤斧響庶遂憇息歡

柴門

泛舟登灤西回首望兩崖東城乾旱天其氣如焚柴長影

沒窈窕餘光散陰憾也猗張口也大江蟠嵌根歸海成一  
家下衝割坤軸竦壁攢鏘鏘蕭颯洒秋色氣昏霾日車峽  
門自此始最窄容浮查禹功翊造化疏鑿就欹斜巴渠決  
太古衆水爲長蛇風煙渺吳蜀舟楫通鹽麻我今遠遊子  
飄轉混泥沙萬物附本性約身不欲奢茅棟蓋一牀清池  
有餘花濁醪與脫粟在眼無咨嗟山荒人民少地僻日夕  
佳貧窮固其常富貴任生涯老於干戈際宅幸蓬華遮石  
亂上雲氣杉青延日華賞妍又分外理愜夫何誇足了垂  
白年敢居高士差輩也書此豁平昔回首猶暮霞

客居

客居所居堂前江後山根下塹萬尋岸蒼濤鬱飛翻葱青  
衆木梢邪豎雜石痕子規晝夜啼壯士斂精魂峽開四十



里水合數百源人虎相半居相傷終兩存蜀麻久不來吳  
鹽擁荆門西南失大將商旅自星奔今又降元戎已聞動  
行軒舟子候利涉亦憑節制尊我在路中央生理不得論  
臥愁病脚廢徐步示小園短畦帶碧草悵望思王孫鳳隨  
其皇去籬雀暮喧繁覽物想故國十年別荒村日暮歸幾  
翼北林空自昏安得覆八溟爲君洗乾坤稷契易爲力犬  
戎何足吞儒生老無成臣子憂四番篋中有舊筆情至時  
復援

客堂

憶昨離少城而今異楚蜀捨舟復深山窅窕一林麓栖泊  
雲安縣消中內相毒舊疾廿載來衰年得無足死爲殊方  
鬼頭白免短促老馬終望雲南鴈意在北別家長兒女欲  
起慙筋力客堂叙節改具物對羈束石暄蕨芽紫渚秀  
筍綠巴稼紛未稀徼麥早向熟悠悠日動江漠漠春辭木  
臺郎選才俊自顧亦已極前輩聲名人埋沒何所得居然  
綰章紱受性本幽獨平生憇息地必種數竿竹事業只濁  
醪營葺但草屋上公有記者累奏資薄祿主憂豈濟時身  
遠彌曠職循文廟筭正獻可天衢直尚想趨朝廷毫髮裨  
社稷形骸今若是進退委行色

遣興

蓬生非無根漂蕩隨高風天寒落萬里不復歸本叢客子  
念故宅三年門巷空悵望但烽火戎車滿關東生涯能幾  
何常在羈旅中

題人居壁



白水縣崔少府十九翁高齋三十韻

客從南縣來浩蕩無與適旅食白日長况當朱炎赫高齋  
坐林杪信宿遊行閱苦激切清晨陪躋攀傲睨俯峭壁崇岡  
相枕帶曠野懷咫尺始知賢王人贈此遣愁寂危堦根清  
冥曾冰生浙瀝上有無心雲下有欲落石泉聲聞復息動  
靜隨所激鳥呼藏其身有似懼彈射吏隱適情性茲焉其  
窟宅白水見舅氏諸翁乃僊伯杖藜長松陰作尉窮谷僻  
爲我炊雕胡菰米也逍遙展良覲坐久風頗怒晚來山更碧  
相對十丈蛟歛翻盤渦折何得空裏雷殷殷尋地脉煙氛  
藹齒萃颺颺森慘戚崑崙崙峯崕嶮嶮回首如不隔前軒頽反  
照巉絕華嶽赤兵氣漲林巒川光雜鋒鏑知是相公軍鐵  
馬雲霧積玉觴淡無味胡羯豈強敵長歌激屋梁淚下流

衽席人生半哀樂天地有順逆慨彼萬國夫休明備征狄  
猛將紛填委廟謀畜長策東郊何時開帶甲且未釋欲告  
清宴疲難拒幽明迫三嘆酒食傍何由似平昔

兩當縣吳十侍御江上宅

寒城朝煙淡山谷落葉赤陰風千里來吹汝江上宅鷓鷯  
號枉渚日色傍阡陌借問持斧翁幾年長沙客哀哀失木  
狘矯矯避弓翮亦知故鄉樂未敢思宿昔昔在鳳翔都共  
通金閨籍天子猶蒙塵東郊暗長戟兵家忌間諜此輩常  
接跡臺中領舉劾君必慎剖析不忍殺無辜所以分黑白  
上官權許與失意見遷斥仲尼甘旅人向子識損益朝廷  
非不知閉口休歎息余時忝諍臣丹陛實咫尺相看受狼  
狽至死難塞責行邁心多違出門無與適於公負明義惆



悵頭更白

赤谷西崦人家

躋險不自安出郊已清目溪回日氣煖逕轉山田熟鳥雀  
依茅茨藩籬帶松菊如行武陵暮欲問桃源曲

田圃

秋行官張望督促東渚耗稻向畢清晨遣女奴阿

稽豎子阿段往問

東渚雨今足佇聞粳稻香上天無偏頗蒲稗各自長人情  
見非類田家戒其荒功夫競搨搨除草置岸傍穀者命之  
本客居安可忘青春具所務勤墾免亂常吳牛力容易並  
驅紛遊場豐苗亦已概利切雲水照方塘有生固蔓延  
靜一資隄防督領不無人提携頗在綱荆揚風土暖肅肅

候微霜尚恐主守踈用心未甚臧清朝遣婢僕寄語踰崇  
岡西成聚必散不獨陵我倉豈要仁里譽感此亂世忙北  
風吹蒹葭蟋蟀近中堂荏苒百工休鬱紆遲暮傷

行官張望補稻畦水歸

東屯大江北百頃平若案六月青稻多千畦碧泉亂插秧  
適云已引溜加漑灌更僕往方塘決渠當斷岸公私各地  
著浸潤無天旱主守問家臣分明見溪畔竿竿炯翠羽剡  
剡生銀漢鷗鳥鏡裏來關山雪邊看秋菰成黑米精鑿傳  
白粲玉粒足晨炊紅鮮任霞散終然添旅食作苦期壯觀  
遺穗及衆多我倉戒滋漫

皇族

奉贈李八丈判官曠



我文時英特宗枝神堯後珊瑚市則無駮驥人得有早年  
見標格秀氣衝星斗事業富清機官曹貞獨守頃來樹嘉  
政皆已傳衆口艱難體貴安冗長吾敢取區區猶歷試炯  
炯更持久討論實解願操割紛應手篋書積諷諫宮闕限  
奔走入幕未展材秉鈞孰爲偶所親問淹泊汎愛惜衰朽  
垂白辭南翁委身希北叟真成窮轍鮒或似喪家狗秋枯  
洞庭石風颯長沙柳高興激荆衡知音爲回首

別李義

神堯十八子十七王其門道國及舒國實惟親第昆中外  
貴賤殊余亦忝諸孫丈人嗣王業之子白玉温道國繼德  
業請從丈人論丈人領宗卿肅穆古制敦去朝納諫諍直  
氣橫乾坤子建文章壯河間經術存温克富詩禮骨清慮

不喧洗然遇知己談論淮湖奔憶昔初見時小襦繡芳蓀  
長成忽會面慰我久病魂三峽春冬交江山雲霧昏正宜  
且聚集恨此當離罇莫恠執盃遲我衰涕唾煩重問子何  
之西上岷江源願子少干謁蜀都足戎軒誤失將帥意不  
如親故恩少年早歸來梅花已飛翻努力慎風水豈惟數  
盤餐猛虎臥在岸蛟螭出無痕王子自愛惜老夫困石根  
生別古所嗟發聲爲爾吞

世胄

送李校書二十六韻

代北有豪鷹生子毛盡赤渥洼騏驎兒尤異是龍脊李舟  
名父子清峻流輩伯人間好妙年不必須白晷十五富文  
史十八足賓客十九授校書二十聲輝赫衆中每一見使



我潛動魄自恐二男兒辛勤養無益乾元元年春萬姓始  
安宅舟也衣綵衣告我欲達適倚門固有望歛衽就行役  
南登吟白華已見楚山碧藹藹咸陽都冠蓋日雲積何時  
太夫人堂上會親戚汝翁草明光明光漢殿名天子正前席歸  
期豈汗漫別意終感激顧我蓬屋姿謬通金閨籍小來習  
性嬾晚節慵轉劇每愁悔吝作如覺天地窄羨君齒髮新  
行已能夕揚臨歧意頗切對酒不能喫回身視綠野慘淡  
如荒澤老鴈忍春饑哀號待枯麥時哉高飛燕絢練新羽  
翻長雲濕袞斜漢水饒巨石無令軒車遲衰疾悲宿昔

宗族

遣興

我今日夜憂諸第各異方不知死與生何況道路長避寇

一分散饑寒求相望豈無柴門歸欲出畏虎狼仰看雲中  
鴈禽鳥亦有行

得舍弟消息

風吹紫荆樹色與春庭暮花落辭故枝風回反無處骨肉  
恩書重漂泊難相遇猶有淚成河經天復東注

示從孫濟

平明跨驢出未知適誰門權門多蹲沓且復尋諸孫諸孫  
貧無事宅舍如荒村堂前自生竹堂後自生萱萱草秋已  
死竹枝霜不蕃淘米少汲水汲多井水渾刈葵莫放手放  
手傷葵根阿翁懶惰久覺兒行步奔所來爲宗族亦不爲  
盤餐小人利口實薄俗難具論勿受外嫌猜同姓古所敦

外族



敬寄族弟唐十八使君

與君陶唐後盛族多其人聖賢冠史籍枝派羅源津在今  
氣磊落巧僞莫敢親介立實吾弟濟時肯殺身物白諱受  
砲行高無污真得罪永泰末放之五溪濱鸞鳳有鍛所戒  
也翮先儒曾抱麟雷霆霹長松骨大却生筋一失不足傷  
念子孰自珍泊舟楚宮岸戀闕浩酸辛除名配清江厥土  
巫峽鄰登陸將首途筆札枉所申歸期跼病肺叙舊思重  
陳春風洪濤壯谷轉頗彌旬我能汎中流搪突鼉獺噴長  
年已省施慰此貞良臣

送重表姪王砮評事使南海

我之曾老姑爾之高祖母爾祖未顯時歸爲尚書婦隋朝  
大業末房杜俱交友長者來在門荒年自餬口家貧無供

給客位但箕箒俄頃羞頗珍寂寥人散後入恠鬢髮空吁  
嗟爲之久自陳翦髻鬢鬻市充杯酒上云天下亂宜與英  
俊厚向竊窺數公經綸亦俱有次問最少年虬髯十八九  
子等成大名皆因此人手云風雲合龍虎一吟吼願展  
丈夫雄得辭兒女醜秦王時在坐真氣驚戶牖及乎貞觀  
初尚書踐台斗夫人常肩輿上殿稱萬壽六宮師柔順法  
則化妃后至尊均嫂叔盛事垂不朽鳳雛無凡毛五色非  
爾曹往者胡作逆乾坤沸嗷嗷吾客在馮翊爾家同遁逃  
爭奪至徒步塊獨委蓬蒿逗遛熱爾腸十里却呼號自下  
所騎馬右持腰間刀左牽紫遊韁飛走使我高苟活到今  
日寸心銘佩牢亂離又聚散宿昔恨滔滔水花笑白首春  
草隨青袍廷評近要津節制收英髦北驅漢陽傳南泛上



瀧舫家聲肯墜地利器當秋毫番禺親賢領籌運神功操  
大夫出盧宋寶具休脂膏洞主降接武海胡舶千艘我欲  
就丹砂跋涉覺身勞安能陷糞土有志乘鯨鼇或駮鸞騰  
天聊作鶴鳴臯

閩州東樓筵奉送十一舅往青城縣

層城有高樓制古丹雘存迢迢百餘尺豁達開四門雖有  
車馬客而無人世喧遊目俯大江列筵慰別魂是時秋冬  
交節徃顏色昏天寒鳥獸伏霜露在草根今我送舅氏萬  
感集清罇豈伊山川間回首盜賊繁高賢意不暇王命久  
崩奔臨風欲慟哭聲出已復吞

婚姻

佳人

絕代有佳人幽居在空谷。自云良家子零落依草木關中  
昔喪敗兄弟遭殺戮官高何足論不得收骨肉世情惡衰  
歇萬事隨轉燭夫壻輕薄兒新人美如玉合昏尚知時鴛  
鴦不獨宿但見新人笑那聞舊人哭在山泉水清出山泉  
水濁侍婢賣珠回牽蘿補茅屋摘花不插髮采柏動盈掬  
天寒翠袖薄日暮倚脩竹

新婚別

兔絲附蓬麻引蔓故不長。嫁女與征夫不如棄路傍結髮  
爲君妻席不暖君牀暮婚晨告別無乃太匆忙君行雖不  
遠守邊赴河陽妾身未分明何以拜姑嫜父母養我時日  
夜令我藏生女有所歸鷄狗亦得將君今死生地沈痛迫  
中腸誓欲隨君往形勢反蒼黃勿爲新婚念努力事戎行



婦人在軍中兵氣恐不揚自嗟貧家女久致羅縠裳羅縠  
不復施對君洗紅粧仰視百鳥飛大小必雙翔人事多錯  
迕與君永相望

仙道

昔遊

昔謁華蓋君綠袍崑玉脚人棺已上天白日亦寂寞暮升  
長岑頂巾几猶未却弟子四五人入來淚俱落余時遊名  
山發軔在遠壑長觀違夙願含凄向寥廓林昏罷幽磬竟  
夜伏石閣王喬下天壇微月映皓鶴晨溪嚮虛駛歸徑行  
已昨豈辭青鞋胝帳望金匕藥東蒙赴舊隱尚憶同志樂  
伏事董先生於今獨蕭索胡爲客關塞道意久衰薄妻子  
亦何人丹砂負前諾雖悲髮變鬢黧未憂筋力弱杖

藜望清秋有興入廬霍

幽人

孤雲亦羣遊神物有所歸麟鳳在赤霄何當一來儀往與  
惠詢輩中年滄洲期天高無消息棄我忽若遺內懼非道  
流幽人在瑕疵洪濤隱笑語鼓枻蓬萊池崔嵬扶桑日照  
耀珊瑚枝風帆倚翠蓋暮把東皇衣噴漱元和津所思煙  
霞微知名未足稱局促商山芝五湖復浩蕩歲暮有餘悲  
隱逸

貽阮隱居

陳留風俗衰人物世不數塞上得阮生迴繼先父祖貧知  
靜者性自益毛髮古車馬入鄰家蓬蒿翳環堵清詩近道  
要識子用心苦尋我草逕微褰裳踏寒雨更議居遠林避



喧甘猛虎足明箕穎客榮貴如糞土

釋老

西枝村尋置草堂地夜宿贊公土室二首

出郭眄細岑披荆得微路溪行一流水曲折方屢渡贊公  
湯休徒好靜心迹素昨枉霞上作盛論巖中趣怡然共携  
手恣意同遠步捫蘿澀先登陟巘眩返顧要求陽岡暖苦  
涉陰嶺洵惆悵老大藤沈吟屈蟠樹上居意未展杖策回  
旦暮層巔餘落日草蔓已多露

天寒鳥已歸月出山更靜土室延白光松門耿踈影躋攀  
倦日短語樂寄夜永明然林中薪暗汲石底井大師京國  
舊德業天機秉從來支許遊興趣江湖迴數竒謫關塞道  
廣存箕穎向知戎馬間復接塵事屏幽尋豈一路遠色有

諸嶺晨光稍朦朧更越西南頂

寄贊上人

一昨陪錫杖卜鄰南山幽年侵腰脚衰未便陰崖秋重岡  
北面起竟日陽光留茅屋買兼土斯焉心所求近聞西枝  
西有谷杉叅稠亭午頗和暖沙田又足收當期塞雨乾宿  
昔齒疾瘳徘徊虎穴上面勢龍泓頭柴荆具茶茗逕路通  
林丘與子成二老來往亦風流

別贊上人

百川日東流客去亦不息我生苦漂蕩何時有終極贊公  
釋門老放逐來上國還爲世塵嬰頗帶憔悴色楊枝晨在  
手豆子雨已熟是身如浮雲安可限南北異縣逢舊友初  
欣寫曾臆天長關塞寒歲暮饑凍逼野風吹征衣欲別向



李杜詩卷一  
曠黑馬嘶思故壘歸鳥盡斂翼古來聚散地宿昔長荆棘  
相看俱衰年出處各努力

謁文公上方

野寺隱喬木山僧高下居石門日色異絳氣橫扶踈窈窕  
入風燈長蘿紛卷舒庭前猛虎臥遂得文公廬俯視萬家  
邑煙塵對塔除吾師雨花外不下十年餘長者自布金禪  
龕只晏如大珠脫玷翳白月當空虛甫也南北人蕪漫少  
耘鋤久遭詩酒污何事忝簪裾王侯與螻蟻同盡隨丘墟  
願聞第一義回向心地初金篦刮眼膜價重百車渠無生  
有汲引茲理儻吹噓

大雲寺贊公房四首

燈影照無睡心清聞妙香夜深殿突兀風動金琅璫天黑

雨春院地清棲暗芳玉繩回斷絕鐵鳳森  
野野放時出寺鐘殘仍殷鼙牀明朝在沃野苦見塵沙黃

兒童汲井華慣捷瓶在手露灑不濡地掃除似無箒明霞  
爛複閣霽霧塞高牖側塞被徑花飄飄委墀柳艱難世事  
迫隱遁佳期後晤語契深心那能總鉗口奉辭還杖策暫  
別終回首泱泱泥污人听听墮斤國多狗旣未免羈絆時  
來憇奔走近公如白雪執熱煩何有

心在水精域衣霑春雨時洞門盡徐步深院果幽期到扉  
開復閉撞鐘齋及茲醞醕長發性飲食過扶衰把臂有多  
日開懷無愧辭黃鶯度結構紫鴿下呆愚連闕曲愚意會  
所適花邊行自遲湯休起我病微笑索題詩

細軟青絲履光明白氎達協切巾深藏供老宿取用及吾



身自顧轉無趣交情何尚新道林才不世惠遠德過人雨  
瀉暮簷竹風吹青井芹天陰對圖畫最覺潤龍鱗

寺觀

遊龍門奉先寺

已從招提遊更宿招提境陰壑生虛籟月林散清影天闕  
象緯逼雲臥衣裳冷欲覺聞晨鐘令人發深省

山寺

野寺根石壁諸龕遍崔嵬前佛不復辨百身一莓苔唯有  
古殿存世尊亦塵埃如聞龍象泣足令信者哀使君騎紫  
馬捧擁從西來樹羽靜千里臨江久徘徊山僧衣藍縷告  
訴棟梁摧公爲顧兵徒咄嗟檀施開吾知多羅樹却倚蓮  
華臺諸天必歡喜鬼物無嫌猜以茲撫士卒孰曰非周才

窮子夫靜處高人憂禍胎歲晏風破肉荒林寒可回思量  
入道苦自哂同嬰孩

同諸公登慈恩寺塔時高適薛據先有此作

高標跨蒼穹烈風無時休自非曠士懷登茲翻百憂方知  
象教力足可追冥搜仰穿龍蛇窟如出枝撐幽七星在北  
戶河漢聲西流羲和鞭白日少昊行清秋秦山忽破碎涇  
渭不可求俯視但一氣焉能辯皇州回首叫虞舜蒼梧雲  
正愁惜哉瑤池飲日晏崑崙丘黃鵠去不息哀鳴何所投  
君看隨陽鴈各有稻梁謀

夏

夏日歎

夏日出東北陵天經中街朱光徹厚地鬱蒸何由開上蒼



久無雷無乃號令垂雨降不濡物良田起黃埃飛鳥苦熱  
死池魚涸其涯萬人尚流冗舉目惟蒿萊至今大河北盡  
作虎與豺浩蕩想幽薊王師安在哉對食不能餐我心殊  
未諧眇然貞觀初難與數子偕

夏夜歎

來日不可暮炎蒸毒我腸安得萬里風飄颻吹我裳昊天  
出華月茂林延踈光仲夏苦夜短開軒納微涼虛明見纖  
毫羽蟲亦飛揚物情無巨細自適固其常念彼荷戈士窮  
年守邊疆何由一洗濯執熱互相望竟夕擊刁斗喧聲連  
萬方青紫雖被體不如早還鄉北城悲笳發鶴鶴號且翔  
况復煩促倦激烈思時康

毒熱寄簡崔評事十六弟

大火運金氣荆陽不知秋林下有塌翼水中無行舟千室  
但掃地閉門人事休老夫轉不樂旅次兼百憂蝮蛇暮偃  
蹇空牀難暗投炎宵惡明燭况乃懷舊丘開襟仰內第執  
熱露白頭東帶負芒刺接居成阻脩何當清霜飛會子臨  
江樓載聞大易義諷詠詩家流溫藉異時輩檢身非苟求  
皇皇使臣體信是德業優楚材釋杞梓漢苑歸驂騶短章  
達我心理爲識者籌

秋

七月三日亭午已後較熱退晚加小涼穩睡有詩

因論壯年樂事戲呈元二十一曹長

今茲商用事餘熱亦已末衰年旅炎方生意從此活亭午  
減汗流北隣耐人聒晚風爽烏匿鶻不筋力蘇摧折閉



目踰十旬大江不止渴退藏恨雨師健步聞旱魃園蔬抱  
金玉無以供採掇密雲雖聚散徂暑終衰歇前聖眷焚巫  
武王親救暵陰陽相主客時序遞回斡灑落唯清秋昏霾  
一空闊蕭蕭紫塞鴈南向欲行列歛思紅顏日霜露凍堦  
闥胡馬挾彫弓鳴弦不虛發長鉞音批及狡兔突羽當滿  
月惆悵白頭吟蕭條遊俠窟臨軒望山閣縹緲安可越高  
人鍊丹砂未念將朽骨少壯跡頗踈歡樂曾倏忽杖藜風  
塵際老醜難剪拂吾子得神仙本是池中物賤夫美一睡  
煩促嬰詞筆

立秋後題

日月不相饒節叙昨夜隔玄蟬無停號秋燕已如客平生  
獨往願惆悵年半百罷官亦由人何事拘形役

節序

牽牛織女

牽牛出河西織女處其東萬古求相望七夕誰見同神光  
竟難候此事終朦朧颯然精靈合何必秋遂通亭亭新粧  
立龍駕其曾空世人亦爲爾祈請走兒童稱家隨豐儉白  
屋達公宮膳夫翊堂殿鳴玉淒房櫳曝衣遍天下曳月揚  
微風蛛絲小人態曲綴瓜果中初筵裊重露日出甘所終  
嗟汝未嫁女秉心鬱忡忡防身動如律竭力機杼中雖無  
舅姑事敢昧織作功明明君臣契咫尺或未容義無弃禮  
法恩始夫婦恭大小有佳期戒之在至公方圓苟齟齬丈  
夫多英雄

九日寄岑參



出門復入門。雨脚但如舊。所向泥活活。思君令人瘦。沈吟坐西軒。飲食錯昏晝。寸步曲江頭。難為一相就。吁嗟乎蒼生稼穡不可救。安得誅雲師。疇能補天漏。大明韜日月。曠野號禽獸。君子強逶迤。小人困馳驟。維南有崇山。恐與川浸溜。是節東籬菊。紛披為誰秀。岑生多新詩。性亦嗜醇酎。采采黃金花。何由滿衣袖。

夢

夢李白二首

死別已吞聲。生別常惻惻。江南瘴癘地。逐客無消息。故人入我夢。明我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪闊。無使蛟龍得。

浮雲終日行。遊子久不至。三夜頻夢君。情親見君意。告歸常局促。苦道來不易。江湖多風波。舟楫恐失墜。出門搔白首。苦負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

月

一百五日夜對月

無家對寒食。有淚如金波。斫却月中桂。清光應更多。仳離放紅蘂。想像嚙青蛾。牛女謾愁思。秋期應渡河。

雨雪

喜雨

春旱天地昏。日色赤如血。農事都已休。兵戈况騷屑。巴人困軍須。慟哭厚土熱。滄江夜來雨。真宰罪一雪。穀根少蘇。



息沴氣終不滅何由見寧歲解我憂思結崢嶸羣山雲交  
會未斷絕安得鞭雷公滂沱洗吳越

大雨

西蜀冬不雪春農尚嗷嗷上天回哀眷朱夏雲鬱陶執熱  
乃沸鼎纖絺成緼袍風雷颯萬里霑澤施蓬蒿敢辭茅葦  
漏已喜黍豆高三日無行人二江聲怒號流惡邑里清矧  
茲遠江臯荒庭步鶴鶴隱几望波濤沈疴聚藥餌頓忘所  
進勞則知潤物功可以貸不毛陰色靜隴畝勸耕自官曹  
四隣出耒耜何必吾家操

雨三首

峽雲行清曉煙霧相徘徊風吹滄江去雨灑石壁來淒淒  
生餘寒殷殷兼出雷白谷變氣候朱炎安在哉高鳥濕不

下居人門未開楚宮久已滅幽佩爲誰哀侍臣書王夢賦  
有冠古才冥冥翠龍駕多自巫山臺

青山淡無姿白露誰能數片片水上雲蕭蕭沙中雨殊俗  
狀巢居曾臺附風渚佳客適萬里沈思情延佇挂帆遠色  
外驚浪滿吳楚久陰蛟螭出寇盜復幾許

空山中宵陰微冷先枕席回風起清曙萬象萋已碧落落  
出岫雲渾渾倚天石日假何道行雨含長江白連檣荊州  
船有士荷矛戟南防草鎮慘霑濕赴遠役羣盜下辟山總  
戎備強敵水深雲光廓鳴櫓各有適漁艇息悠悠夷歌負  
樵客留滯一老翁書時記朝夕

苦雨奉寄隴西公兼呈王徵士

今秋乃淫雨仲月來寒風羣木水光下萬家雲氣中所思



礙行潦九重信不通悄悄素澹路迢迢天漠東願騰六尺  
馬昔若孤征鴻劃見公子面超然歡笑同奮飛既胡越局  
促傷樊籠一飯四五起憑軒心力窮嘉蔬沒溷濁時菊碎  
榛叢鷹隼亦屈猛烏鳶何所蒙式瞻北鄰居取適南巷翁  
掛席釣川漲焉知清興終

雨

行雲遮崇高飛雨靄而至潺湲石間溜汨汨松上駛亢陽  
乘秋熱百穀皆已棄皇天德澤降焦卷有生意前雨傷卒  
暴今雨喜容易不可無雷霆間作鼓增氣佳聲達中宵所  
望時一致清霜九月天髣髴見滯穗郊扉及我私我圃日  
蒼翠恨無抱甕力庶減臨江費

又

山雨不作泥江雲薄為霧晴飛半嶺鶴風亂平沙樹明滅  
洲景微隱見巖姿露拘悶出門遊曠絕經目趣消中日伏  
枕臥久塵及屨豈無平肩輿莫辯望鄉路兵戈浩未息蛇  
虺反相顧悠悠邊月破鬱鬱流年度針灸阻朋曹糠粃縉  
麥糠中對童孺一命須屈色新知漸成故窮荒益自卑飄  
泊欲誰訴疋羸愁應接俄頃恐違迂浮俗何萬端幽人有  
高步龐公竟獨往尚子終罕遇宿留洞庭秋天寒瀟湘素  
杖策可入舟送此齒髮暮

喜晴

皇天久不雨既雨晴亦佳出郭眺西郊蕭蕭春增華青燐  
陵陂麥窈窕桃李花春夏各有實我饑豈無涯干戈雖橫  
放慘澹鬪龍蛇甘澤不猶愈且耕今未賒丈夫則帶甲婦



女終在家力難及黍稷得種菜與麻千載商山芝往者東  
門瓜其人骨已朽此道誰疵瑕英賢遇轍軻遠引蟠泥沙  
顧慙昧所適回首白日斜漢陰有鹿門滄海有靈查焉能  
學衆口咄咄空咨嗟

雲雷

雷

大旱山岳焦密雲復無雨南方瘴癘地惟此農事苦封內  
必舞雩峽中喧擊鼓真龍竟寂寞土梗空俯俚吁嗟公私  
病稅歛缺不補故老仰面啼瘡痍向誰數暴虐或前聞鞭  
巫非稽古請先偃甲兵處分聽人主萬邦但各業一物休  
盡取水旱其數然堯湯免親覩上天爍金石羣盜亂豺虎  
二者存一端愆陽不猶愈昨宵殷其雷風過齊萬弩復吹

羣翳散虛覺神靈聚氣竭腸胃融汗滋衣裳污吾衰猶計  
拙失望築場圃

山嶽

望嶽

岱宗夫如何齊魯青未了造化鍾神秀陰陽割昏曉盪  
生層雲決眚入歸鳥會當凌絕頂一覽衆山小

又

南嶽配朱鳥秩禮自百玉歛吸領地靈瀕洞半炎方邦家  
用祀典在德非馨香巡狩何寂寥有虞今則亡洎吾隘世  
網行邁越瀟湘渴日絕壁出漾舟清光旁祝融五峯尊峯  
峰次低昂紫蓋獨不朝爭長嶻相望恭聞魏夫人羣仙來  
翱翔有時五峰氣散風如飛霜牽迫恨脩途未暇杖崇岡



歸來覬命駕沐浴休玉堂三歎問府主曷以贊我皇牲璧  
忍衰俗神其思降祥

江河

三川觀水漲二十韻

我經華原來不復見平陸北上唯土山連天走窮谷火雲  
無時出飛電常在目自多窮岫雨行潦相逐感蒨旬音湍  
川氣黃羣流會空曲清晨望高浪忽謂陰崖踣恐泥窟蛟  
龍登危聚麋鹿枯查卷拔樹礪硯共充塞聲吹鬼神下勢  
閱人代速不有萬穴歸何以尊四瀆及觀泉源漲反懼江  
海覆漂沙拆岸去漱壑松柏禿乘陵破山門回幹裂地軸  
交洛赴洪河及關豈信宿應沈數州沒如聽萬室哭穢濁  
殊未清風濤怒猶蓄何時通舟車陰氣不黓黷吐阡敢切

垢黑也浮生有湯汨吾道正羈速人寰難容身石壁滑側足  
雲雷屯不已艱險路更跼普天無川梁欲濟願水縮因悲  
中林士未脫衆魚腹舉頭向蒼天安得騎鴻鵠

奉同郭給事湯東靈秋作

東山氣鴻濛宮殿居上頭君來必十月樹羽臨九州陰火  
煮玉泉噴薄漲巖幽有時浴赤日光抱空中樓閣風入轍  
跡曠原延冥搜沸天萬乘動觀水百丈秋幽靈斯可恠王  
命官屬休初聞龍用壯擎石摧林丘中夜窟宅改移因風  
雨秋倒懸瑤池影屈注蒼江流味如甘露漿揮弄滑且柔  
翠旗淡偃蹇雲車紛少留簫鼓蕩四溟異香泱泱浮鮫人  
獻微綃曾祝沈豪牛百祥奔盛明古先莫能儔坡陀金蝦  
蟄出見蓋有由至尊顧之笑王母不遣收復歸虛無底化



作長黃虬飄飄青瑣郎文彩珊瑚鈎浩歌淶水曲清絕聽者愁

美陂西南臺

高臺面蒼陂。六月風日冷。蒹葭離披去。天水相與永。懷新目似擊。接要心已領。仿像識鮫人。空蒙辯魚艇。錯磨終南翠。顛倒白閣影。嵩萃增光輝。乘陵惜俄頃。勞生愧嚴鄭。外物慕張邴。世復輕驂騶。吾甘雜鼃黽。知歸俗可忽。取適事莫並。身退豈待官。老來苦便靜。况資菱芡足。庶結茅茨迥。從此具扁舟。彌年逐清景。

南池

崢嶸巴閬間。所向盡山谷。安知有蒼池。萬頃浸坤軸。呀然閬城南。枕帶巴江腹。芰荷入異縣。稷稻共比屋。皇天不無

意。美利戒止足。高田失西成。此物頗豐熟。清源多衆魚。遠岸富喬木。獨歎楓香林。春時好顏色。南有漢王祠。終朝走巫祝。歌舞散靈衣。荒哉舊風俗。高堂亦明王。魂魄猶正直。不應空陂上。縹緲親酒肉。淫祀自古昔。非惟一川瀆。干戈浩茫茫。地僻傷極目。平生江海興。遭亂身局促。駐馬問漁舟。躊躇慰羈束。

萬丈潭

清溪涵冥漠。神物有顯晦。龍依積水蟠。窟壓萬丈內。跼步凌垠堦。側身下煙靄。前臨洪濤寬。却立蒼石大山危。一徑盡岸絕。兩壁對削成。根虛無倒影。垂澹瀨。徒對切猶澹瀨也黑知灣。濃底清見光。炯碎孤雲倒。來深飛鳥不在外。高蘿成帷幄。寒木疊旌旆。遠川曲通流。嵌竇潛洩瀨。造幽無人境。發



興自我輩告歸遺恨多將老斯遊最閉藏脩鱗蟄出入巨  
石礙何當暑天過快意風雨會

泛溪

落景下高堂進舟泛回溪誰謂築居小未盡喬木西遠郊  
信荒僻秋色有餘淒練練峰上雪纖纖雲表霓童戲左右  
岸罟弋畢提携翻倒荷芰亂指揮路徑迷得魚已割鱗採  
藕不洗泥人情逐鮮美物賤事已睽吾村靄暝姿異舍鷄  
亦棲蕭條欲何適出處庶可齊衣上見新月霜中登故畦  
濁醪自初熟東城多鼓鼙

溪漲

當時浣花橋溪水纒尺餘白石明可把水中有行車秋夏  
忽泛溢豈惟入吾廬蛟龍亦狼狽况是鼈與魚茲晨已半  
落歸路跬步踈馬嘶未敢動前有深填淤青青屋東麻散  
亂牀上書不意遠山雨夜來復何如我遊都市間晚憇必  
村墟乃知久行客終日思其居

太平寺泉眼

招提憑高岡踈散連草莽出泉枯柳根汲引歲月古石間  
見海眼天畔縈水府廣深丈尺間宴息敢輕侮青白二小  
蛇幽姿可時覩如絲氣或上爛熳爲雲雨山頭到山下鑿  
井不盡土取供十方僧香美勝牛乳北風起寒文弱藻舒  
翠縷明涵客衣淨細蕩林影趣何當宅下流餘潤通藥圃  
三春濕黃精一食生毛羽

樓閣

西閣曝日



凜冽倦玄冬負暄嗜飛閣羲和流德澤顛頊愧倚薄毛髮  
且自和肌膚潛沃若太陽信深仁衰氣歛有託歆傾煩注  
眼容易收病脚流離木杪援翩僊山顛鶴朋知苦聚散哀  
樂日已作即事會賦詩人生忽如昨古來遭喪亂賢聖盡  
蕭索胡爲將暮年憂世心力弱

水閣朝霽奉簡雲安嚴明府

東城抱春岑江閣鄰石面崔嵬晨雲白朝旭射芳甸雨檻  
臥花叢風牀展書卷鈎簾宿鷺起丸藥流鶯囀呼婢取酒  
壺續兒誦文選晚交嚴明府矧此數相見

晚登灤上堂

故躋灤岸高頗免崖石擁開襟野堂豁繫馬林花動雉堞  
粉似雲山田麥無壠春氣晚更生江流靜猶湧四序嬰我  
懷羣盜久相踵黎民困逆節天子渴垂拱所思注東北深  
峽轉脩聳衰老自成病郎官未爲冗淒其望呂葛不復夢  
周孔濟世數嚮時斯人各枯冢楚星南天黑蜀月西霧重  
安得隨鳥翎迫此懼將恐

亭榭

陪李北海宴歷下亭時邑人蹇處士等在坐

東藩駐皂蓋北渚凌清河海右比亭古濟南名士多雲山  
已發興玉珮仍當歌脩竹不受暑交流空湧波蘊真愜所  
遇落日將如何貴賤俱物役從公難重過

登歷下古城真外新亭

吾宗固神秀體物寫謀長形制開古跡曾冰延樂方泰山  
雄地理巨壑眇雲莊高興泊煩促永懷清典常含弘知四



大出入見三光負郭喜粳稻安時歌吉祥

亭對鵲湖

新亭結構罷隱見清湖陰跡籍臺觀舊氣溟海嶽深圓荷  
想自昔遺堞感至今芳宴此時具哀絳千古心主稱壽尊  
客筵秩宴北林不阻蓬華興得兼梁甫吟

園林

阻雨不得歸灤西甘林

三伏適已過驕陽化爲霖欲歸灤西宅阻此江浦深壞舟  
百板拆峻岸復萬尋篙工初一棄恐泥勞寸心佇立東城  
隅悵望高飛禽草堂亂玄圃不隔崑崙岑昏渾衣裳外曠  
絕同曾陰園甘長成時三寸如黃金諸侯舊上計厥貢傾  
千林邦人不足重所迫豪史侵客居暫封殖日夜偶瑤琴

虛徐五株態側塞煩曾襟焉得輟兩足杖藜出嶮嶽條流  
數翠實偃息歸碧潏拭拂烏皮几喜聞樵牧音令兒快搔  
背脫我頭上簪

甘林

捨舟越西岡入林解我衣青芻適馬性好鳥知人歸晨光  
映遠岫夕露見日晞遲暮少寢食清曠喜荆扉經過倦俗  
態在野無所違試問甘藜藿未肯羨輕肥喧靜不同科出  
處各天機勿矜朱門是陋此白屋非明朝步鄰里長老可  
以依時危賦斂數脫粟爲爾揮相携行豆田秋花靄菲菲  
子實不得喫貨市送王畿盡添軍旅用迫此公家威主人  
長跪辭戎馬何時稀我衰易悲傷屈指數賊圍勸其死王  
命慎勿遠奮飛



果實

園人送瓜

江間雖炎瘴瓜熟亦不早  
柏公鎮夔國滯務茲一掃  
食新先戰士共少及溪老  
傾筐蒲鵠如鰕鮓青滿眼  
顏色好竹竿接嵌竇引注  
來鳥道浮沉亂水玉愛惜  
如芝草落刃嚼冰霜開懷  
慰枯槁許以秋蒔除仍看  
小兒抱東陵跡無絕楚漢  
休征討園人非故侯種此  
何草草

燕飲

遭田父泥飲美嚴中丞

步屣隨春風村村自花柳  
田翁逼社日邀我嘗春酒  
酒酣誇新尹畜眼未見有  
回頭指大男渠是弓弩手  
名在飛騎籍長番歲時久  
前日放營農辛苦救衰朽  
差科死則已誓

不舉家走今年大作社拾遺能住否  
叫婦開大瓶盆中爲吾取感此氣揚揚  
須知風化首語多雖雜亂說尹終在口  
朝來偶然出自卯將及酉久客諳人情  
如何拒隣叟高聲索果栗欲起時被肘  
指揮過無禮未覺村野醜月出遮我  
留仍嗔問升斗

文章

夜聽許十一誦詩愛而有作

許生五臺賓業白出石壁余亦師粲可身  
猶縛禪寂何階子方便謬引爲匹敵離索  
晚相逢包蒙欣有擊誦詩渾遊衍四座皆  
辟易應手看捶鈎清心聽鳴鏑精微穿溟  
滓飛動摧霹靂陶謝不枝梧風騷共推激  
紫鸞自超詣翠駁誰剪剔君意人莫知  
人間夜寥閔



贈蜀僧問丘師兄

大師銅梁秀籍籍名家孫嗚呼先博士炳靈精氣奔惟昔  
武皇后臨軒御乾坤多士盡儒冠墨客藹雲屯當時上紫  
殿不獨卿相尊世傳問丘筆峻極逾崑崙鳳藏丹霄暮龍  
去白水渾青熒雪嶺東碑碣舊制存斯文散都邑高價越  
璵璠晚看作者意妙絕與誰論吾祖詩冠古同年蒙主恩  
豫章夾日月藏久空深根小子思踈闊豈能遠詞門窮愁  
一揮淚相遇即諸昆我住錦官城兄居柢樹園地近慰旅  
愁往來當丘樊天涯歇滯雨稊稻臥不翻漂然薄遊倦始  
與道旅敦景晏步脩廊而無車馬喧夜闌接軟語落月如  
金盆漠漠世界黑驅驅爭奪繁惟有摩尼珠可照濁水源

書畫

送顧八分文學適洪吉州

中郎石經後八分蓋憔悴顧侯運鑪錘筆力破餘地昔在  
開元中韓蔡同巔巔上平秘切下虛器切作力切也玄宗妙其書是以數  
子至御札早流傳揄揚非造次三人並入直恩澤各不二  
顧於韓蔡內辯眼工小字分日示諸王鉤深法更秘文學  
與我遊蕭疎外聲利追隨二十載浩蕩長安醉高歌卿相  
宅文翰飛省寺視我揚馬間白首不相棄驂騑入窮巷必  
脫黃金轡一論朋友難遲暮敢失墜古來事反覆相見橫  
涕泗嚮者玉珂人誰是青雲器才盡傷形體病渴汚官位  
故舊獨依然危時話顛躓我甘多病老子負憂世志胡爲  
困衣食顏色少稱遂遠作辛苦行順從衆多意舟楫無根  
蒂蛟鼉好爲祟况兼水賊繁特戒風飈駛山吏切疾也崩騰戎



馬際往往殺長吏子干東諸侯勤勉防縱恣邦以民爲本  
魚饑費香餌請哀瘡痍深告訴皇華使使臣精所擇進德  
知歷試惻隱誅求情固應賢愚異烈士惡苟得俊傑思自  
致贈子猛虎行出郊載酸鼻

殿中楊監見示張旭草圖

斯人已云亡草聖祕難得及茲煩見示滿目一凄惻悲風  
生微綃萬里有古色鏘鏘鳴玉動落落群松直連山蟠其  
間溟漲與筆力有練實先書臨池真盡墨後拔爲之主暮  
年思轉極未知張王後誰並百代則嗚呼東吳精逸氣感  
清識楊公拂篋筭舒卷忘寢食念昔揮毫端不獨觀酒德  
觀薛稷少保書畫壁  
少保有古風得之陝郊篇惜哉功名忤但見書畫傳我遊

梓州東遺跡涪江邊畫藏青蓮界書入金榜懸仰看垂露  
姿不崩亦不騫鬱鬱二大字蛟龍岌相纏又揮西方變發  
地扶屋椽慘澹壁飛動到今色未填此行疊壯觀郭薛俱  
才賢不知千載後誰復來通泉

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵低昂  
各有意磊落如長人佳此志氣遠豈惟粉墨新萬里不以  
力群遊森會神威遲白鳳態非是倉鷓鄰高堂未傾覆幸  
得慰佳賓曝露牆壁外終嗟風雨頻赤霄有真骨耻飲滂  
池津冥冥任所適脫略誰能馴

楊監又出畫鷹十二扇

近時馮紹正能畫鷲鳥樣明公出此圖無乃傳其狀殊姿



各獨立清絕心有向疾禁千里馬氣敵萬人將憶昔驪山  
宮冬移含元仗天寒大羽獵此物神俱王當時無凡材百  
中皆用壯粉墨形似間識者一惆悵干戈少暇日真骨老  
崖嶂爲君除狡兔會是翻韉上

畫鵲行

高堂見生鵲颯爽動秋骨初驚無拘攣何得立突兀乃知  
畫師妙巧刮造化窟寫此神俊姿充君眼中物烏鵲滿樛  
枝軒然恐其出側腦看青霄寧爲衆禽沒長翮如刀劍人  
衆可超越乾坤空崢嶸粉墨且蕭瑟緬思雲沙際自有煙  
霧質吾今意何傷顧步獨紆鬱

音樂

聽楊氏歌

佳人絕代歌獨立發皓齒滿堂慘不樂響下清虛裏江城  
帶素月况乃清夜起老夫悲暮年壯士淚如水玉盃久寂  
寞金管迷宮徵勿云聽者疲愚智心盡死古來傑出土豈  
待一知己吾聞昔秦青傾側天下耳

器用

石硯

平公今詩伯秀發吾所羨奉使三峽中長嘯得石硯巨璞  
禹鑿餘異狀君獨見其滑乃波濤其光或雷電聯坳各盡  
墨多水遍隱見揮灑容數人十手可對面比公頭上冠貞  
質未爲賤當公賦佳句况得終清宴公含起草姿不遠明  
光殿致于丹青地知汝隨願聃

櫻拂子



櫻拂且薄陋豈知身效能不堪代白羽有足除蒼蠅熒熒  
金錯刀擢擢朱絲繩非獨顏色好亦用顧盼稱吾老抱疾  
病家負臥炎蒸咂膚倦撲滅賴爾甘服膺物微世競棄義  
在誰肯徵三歲清秋至未敢闕緘滕

食物

槐葉冷淘

青青高槐葉采掇付中厨新麪來近市汁滓宛相俱入鼎  
資過熟加餐愁欲無碧鮮俱照筋香飯兼苞蘆經齒冷於  
雪勸人投此珠願隨金驥裏走置錦屠蘇致遠思恐泥興  
深終不渝獻芹則小小薦藻明區區萬里露寒殿開冰清  
玉壺君王納涼晚此味亦時須

種蒿苳

既雨已秋堂下理小畦隔種一兩席許蒿苳向二旬  
矣而苳不甲拆伊人莫青青傷時君子或晚得微祿  
輒軻不進因作此詩

陰陽一錯亂驕蹇不復理枯旱於其中炎方慘如燬植物  
半蹉跎嘉生將已矣雲雷歛奔命師伯集所使指揮赤白  
日頽洞青光起雨聲先已風散足盡西靡山泉落滄江霹  
靂猶在耳終朝紆颯沓信宿罷瀟灑堂下可以畦呼童對  
經始苳兮蔬之常隨事執其子破塊數席間荷鋤功易止  
兩旬不甲拆空惜埋泥滓野苳迷汝來宗生實於此此輩  
豈無秋亦蒙寒露委翻然出地速滋蔓戶庭毀因知邪干  
正掩抑至沒齒賢良雖得祿守道不封已擁塞敗芝蘭衆  
多盛荆杞中園陷蕭艾老圃永爲耻登于白玉盤藉以如



震綺莧也無所施胡頰入筐篚

園官送菜 并序

園官送菜把本數日闕矧苦苜馬齒掩乎嘉蔬傷小  
人妬害君子菜不足道也比而作詩

清晨蒙菜把常荷地主恩守者愆實數略有其名存苦苜  
刺如針馬齒葉亦繁青青嘉蔬色埋沒在中園園吏未足  
恠世事固堪論嗚呼戰伐久荆棘暗長原乃知苦苜輩傾  
奪蕙草根小人塞道路爲態何喧喧又如馬齒盛氣擁葵  
荏昏點染不易虞絲麻雜羅紈一經器物內未挂麤刺痕  
志士採紫芝放歌避戎軒哇丁負籠至感動百慮端

暇日小園散病將種秋菜督勤耕牛兼書觸日

不愛入州府畏人嫌我真及乎歸茅宇旁舍未曾嗔老病

恐拘束應接喪精神江村意自放林木心所欣秋耕屬地  
濕山雨近甚勻冬菁飯之半牛力晚來新深耕種數畝未  
甚後四鄰嘉蔬既不一名數頗具陳荆巫非苦寒採擷接  
青春飛來兩白鶴暮啄泥中芹雉者左翮垂損傷已露筋  
一步再流血尚驚矐繳勤三步六號叫志屈悲哀頻鸞凰  
不相待側頸訴高旻杖藜俯沙渚爲汝鼻酸辛

驅豎子摘蒼耳

江上秋已分林中癢猶劇畦丁告勞苦無以供朝夕蓬萊  
獨不焦野蔬暗泉石卷耳况療風童兒且時摘侵星驅之  
去爛熳任遠適放筐亭午際洗剥相蒙翳登牀半生熟下  
筋還小益加點瓜薤間依稀橘奴跡亂世誅求急黎民糠  
粃窄飽食復何心荒哉膏粱客富家厨肉臭戰地骸骨白



寄語惡年少黃金且休擲

唐李杜詩集卷之十



